



Broj: 02-04-2281/23-AP-3
Datum: 10.11.2023. godine

GRADSKO VIJEĆE ZAVIDOVIĆI
n/r PREDSDJEDAVAJUĆEM GRADSKOG VIJEĆA
Admir Fojnica, prof.

PREDMET: Odgovori na vijećnička pitanja sa 18. sjednice Gradskog vijeća Zavidovići održane 23.10.2023. godine, dostavljaju se

Povodom vijećničkih pitanja postavljenih na 18. sjednici Gradskog vijeća Zavidovići održanoj 23.10.2023. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA FEHRIĆ ŠEMSE

1. Vijećnik Fehrić Šemso: U skladu sa članom 109. Poslovnika o radu Gradskog vijeća Zavidovići postavljam sljedeća vijećnička pitanja:

Pitanje 1:

Kada će se obične ulične svjetiljke zamijeniti led svjetiljkama na potezu od Srednje stručne škole do sportske dvorane Zavidovići, kao i ispred sportske dvorane Zavidovići?

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/23-AP-226 od 02.11.2023. godine): Gradska uprava Grada Zavidovići do kraja tekuće godine planira provesti aktivnost na javnoj rasvjeti u smislu zamjene 242 postojeće lampe sa led sijalicama od 30W.

Aktivnost će se provesti u ukupno 21 gradskoj ulici, a među njima je svakako planirano i postavljanje ukupno 20 led reflektora 60W u ulici „Nikole Tesle“ tj. na potezu od Srednje tehničke škole do sportske dvorane.

2. Vijećnik Fehrić Šemso: Pitanje 2:

Koja firma je sklopila ugovor za ljetno održavanje lokalne ceste Zavidovići – Stavci – Brijeg – Gornji Kovači za 2023. godinu i u kojem iznosu?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-329/23 od 02.11.2023. godine): Grad Zavidovići je nakon provedenog postupka javne nabavke, dana 27.03.2023. godine potpisao Okvirni sporazum o nabavci i sukcesivnom izvođenju radova – Redovno održavanje lokalnih cesta za 2023. godinu sa preduzećem GTPD „Porobić“ d.o.o. Zavidovići, ukupne vrijednosti 99.381,20 KM sa uključenim PDV-om.

Na osnovu okvirnog sporazuma Grad Zavidovići potpisuje pojedinačne ugovore o izvođenju radova na redovnom održavanju lokalnih cesta koje uključuje i tzv. „ljetno održavanje cesta“, a imajući u vidu najprioritenije potrebe održavanja i raspoloživa sredstva.

Grad Zavidovići ne provodi postupke javnih nabavki za svaku od 22 lokalne ceste pojedinačno, jer bi isto zahtijevalo daleko veće ljudske i finansijske resurse.

2. DOPUNSKO VIJEĆNIČKO PITANJE VIJEĆNIKA HODŽIĆ HARISA

Vijećnik Hodžić Haris: Dopuna vijećničkog pitanja odnosi se na to da mi se dostavi tačan datum kada bi mogli u naše gradske klupe dobiti materijale o sazivanju, odnosno donošenju odluke o raspisivanju novih izbora za Savjete MZ? To sam tražio striktno da mi se kaže, kada možemo to očekivati, ovo je bio paušalan odgovor. Tačnu informaciju kada će se raspisati izbori.

Odgovor na vijećničko pitanje: Služba za upravu društvenih djelatnosti, pitanja boraca i opću upravu nije dostavila odgovor na vijećničko pitanje.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)